



চ্যাম্পিয়নস লিগ ড্র অনুষ্ঠানে বিশেষ পুরস্কার
পাবেন রোনালদো • পৃষ্ঠা ৭



চট্টগ্রামে ডেজুতে চলতি মাসেই ৭
জনের মৃত্যু • পৃষ্ঠা ৫

বাংলাদেশ

নিজস্ব প্রতিবেদক সুনামগঞ্জ
২০ নভেম্বর, ২০২৪

ঢাকার আজিমপুর রাতে সাবলেট হিসেবে আসেন নারী, সকালে তাঁর লোকজন শিশুকে নিয়ে যায়



আজিমপুরের মেডিকেল স্টাফ কোয়ার্টারের পাশের একটি বাসায় বৃহস্পতিবার রাতে এক নারী সাবলেট হিসেবে উঠেছিলেন। আজ শুক্রবার সকালে ওই নারীর কাছে আসা কয়েকজন ব্যক্তি বাসা থেকে বিভিন্ন মালামালের সঙ্গে আট মাস বয়সী কন্যাশিশুকে নিয়ে গেছেন। রাতে ওই বাসার রাজধানীর তত্ত্বাবধায়ক মোহাম্মদ ইসরাফিল এ তথ্য জানিয়েছেন। তবে বাসার মালিক ফারাজানা আক্তার এ বিষয়ে সাংবাদিকদের সঙ্গে কোনো কথা বলেননি।

এর আগে লালবাগ থানা-পুলিশ জানিয়েছিল, সকালে একদল লোক ওই বাসায় এসে নগদ টাকা ও স্বর্ণালংকার লুট করার পাশাপাশি শিশুসন্তানকে অপহরণ করে নিয়ে যান। **এরপর পৃষ্ঠা ৭, কলাম ৩**

ভারতে বিদ্যুৎস্পৃষ্ট হয়ে মারা যাওয়া বাংলাদেশি যুবকের লাশ হস্তান্তর করল বিএসএফ

কূটনৈতিক প্রতিবেদক, ঢাকা
২০ নভেম্বর, ২০২৪



ভারতে বিদ্যুৎস্পৃষ্ট হয়ে মারা যাওয়া এক বাংলাদেশি যুবকের লাশ হস্তান্তর করেছে ভারতীয় সীমান্তরক্ষী বাহিনী (বিএসএফ)। আজ শুক্রবার দুপুরে শেরপুরের নালিতাবাড়ী উপজেলার নাকুগাঁও স্থলবন্দরের ইমিগ্রেশনে বিএসএফ, বর্ডার গার্ড বাংলাদেশ

(বিজিবি) ও দুই দেশের পুলিশের উপস্থিতিতে লাশটি হস্তান্তর করা হয়। মারা যাওয়া ওই যুবকের নাম এরশাদুল হক। তিনি কুড়িগ্রামের উলিপুর উপজেলার আপুয়ারখাতা গ্রামের মজিবর রহমানের ছেলে। পুলিশ জানায়, গত ৫ অক্টোবর বাজারে যাওয়ার কথা বলে উলিপুর সীমান্ত দিয়ে অবৈধভাবে ভারতে যান এরশাদুল। সেখানে যাওয়ার পর বিদ্যুৎস্পৃষ্ট হয়ে মারা যান তিনি। এদিকে এরশাদুল বাড়ি না ফেরায় পরিবারের লোকজন উলিপুর থানায় সাধারণ ডায়েরি (জিডি) করেন। একপর্যায়ে সামাজিক যোগাযোগমাধ্যমে ছড়িয়ে পড়া একটি লাশের ছবির দেখে এরশাদুলকে শনাক্ত করে তাঁর পরিবার। পরে ভারতীয় হাইকমিশনে যোগাযোগ করলে আইনি প্রক্রিয়া শেষে আজ নালিতাবাড়ীর নাকুগাঁও ইমিগ্রেশনে ওই লাশ হস্তান্তর করা হয়। পরে বিজিবি লাশটি গ্রহণ করে নালিতাবাড়ী থানা-পুলিশের কাছে হস্তান্তর করলে পুলিশ বিকেলে এরশাদুলের ভাই রাকিব ইসলামের কাছে লাশটি হস্তান্তর করে। **এরপর পৃষ্ঠা ৭, কলাম ৪**

বাংলাদেশ

অভ্যুত্থানে শহীদ পরিবার ৫ লাখ, আহতরা সর্বোচ্চ এক লাখ টাকা করে পাচ্ছেন।

বিশেষ

প্রতিবেদক, ঢাকা
১৮ নভেম্বর, ২০২৪
'জুলাই শহীদ স্মৃতি
ফাউন্ডেশন' থেকে ছাত্র-
জনতার গণ-অভ্যুত্থানে
শহীদদের পরিবার এবং
আহত ব্যক্তিদের আর্থিক
সহায়তা দেওয়া হবে।
প্রাথমিকভাবে প্রত্যেক
শহীদদের পরিবারকে পাঁচ
লাখ টাকা এবং আহত
প্রত্যেক ব্যক্তিকে সর্বোচ্চ
এক লাখ টাকা করে
দেওয়া হবে।

আজ বুধবার
ফাউন্ডেশনের কার্যনির্বাহী
কমিটির প্রথম সভায় এই
সিদ্ধান্ত হয়েছে। রাষ্ট্রীয়
অতিথি ভবন যমুনায়
ফাউন্ডেশনের সভাপতি
ও প্রধান উপদেষ্টা ড.
মুহাম্মদ ইউনুসের
সভাপতিত্বে এই সভা হয়।
পরে প্রধান উপদেষ্টার
প্রেস উইং থেকে সংবাদ
বিজ্ঞপ্তিতে এসব তথ্য
জানানো হয়। উল্লেখ,
আগেই সিদ্ধান্ত আছে,
আহত ব্যক্তিদের
চিকিৎসার খরচ স্বাস্থ্য
মন্ত্রণালয় দেবে।

এরপর পৃষ্ঠা ৪, কলাম ৪

ফিলিস্তিনি ভূখণ্ডে ইসরায়েলি দখলদারত্ব বন্ধে প্রস্তাব পাস এএফপিজাতিসংঘ প্রকাশ: ১৯ নভেম্বর, ২০২৪

ফিলিস্তিনি ভূখণ্ডে ইসরায়েলের দখলদারত্ব অবসানের আনুষ্ঠানিক দাবি জানিয়ে জাতিসংঘের সাধারণ পরিষদে একটি প্রস্তাব পাস হয়েছে।
প্রস্তাবে ১২
মাসের মধ্যে
দখলদারত্ব
অবসানের সময়




বেঁধে দেওয়া হয় এবং এটি বাস্তবায়ন না করলে নিষেধাজ্ঞা আরোপের কথা বলা হয়। তবে গতকাল বুধবার পাস হওয়া সাধারণ পরিষদের এ প্রস্তাবের আইনি বাধ্যবাধকতা নেই। আন্তর্জাতিক বিচার আদালতের (আইসিজে) একটি পরামর্শমূলক মতামতের ভিত্তিতে এ প্রস্তাব গ্রহণ করা হয়। আদালত বলেছিলেন, ১৯৬৭ সাল থেকে হওয়া ইসরায়েলি দখলদারত্ব বেআইনি। **এরপর পৃষ্ঠা ৬, কলাম ৫**

বাংলাদেশ

ঋণসুবিধা দিয়ে বেক্সিমকোকে চালু রাখার সুপারিশ সরকারি কমিটির

নিজস্ব প্রতিবেদক, ঢাকা
২০ নভেম্বর, ২০২৪



ছাত্র-জনতার
অভ্যুত্থানে
আওয়ামী লীগ
সরকারের
পতনের পর
বেতন দিতে
না পারায়

বেক্সিমকো গ্রুপের একাধিক কারখানায় অসন্তোষ ছড়িয়ে পড়ে। এতে ভাঙচুরের ঘটনাও ঘটে। ওই সময় বেতন দিতে রাষ্ট্রমালিকানাধীন জনতা ব্যাংক ৫৫ কোটি টাকা ঋণ ছাড় করে। যদিও জনতা ব্যাংকে গ্রুপটির ২৩ হাজার ৫৫৭ কোটি টাকার ঋণের মধ্যে প্রায় ১৮ হাজার কোটি টাকাই এখন খেলাপি।

এ ছাড়া ১ হাজার ১০০ কোটি টাকার রপ্তানি আয় দেশে আনছে না গ্রুপটি। বেক্সিমকো গ্রুপের ভাইস চেয়ারম্যান সালমান এফ রহমান ছিলেন সাবেক প্রধানমন্ত্রী শেখ হাসিনার বেসরকারি শিল্প ও বিনিয়োগবিষয়ক উপদেষ্টা। বর্তমানে তিনি কারাবন্দী। **এরপর পৃষ্ঠা ৭, কলাম ৫**